

Месяца ноемврия в 3-й день.

**Обновление храма  
Великомученика Георгия,  
иже в Лидде,  
иже положено есть честное тело его,  
и Святой Великомученице Благоверной Царевне Ольге,  
ейже службу с акафистом творим**

**НА ВЕЛИЦЕЙ ВЕЧЕРНИ**

*На Господи, воззвах  
стихиры Георгия, глас 4, в минее,  
и царевны Ольги, глас 8:*

Чтүцини память великомученика во граде Лиддском/ сози-  
дают храм Георгию./ и приносят сице мощи его со славою/ в  
ноемврия третий день/ Константину Магнү царствующү./ О  
святая царевно Ольго!/ Бүди zde ныне с нами./ храмы памяти  
твоя/ днесь быги хотяция.

В лето рождения матери твоя/ обновляется Лиддский  
храм./ ты же, о первенице ея./ ты, иже последние слова отца  
еси поведала нам./ рождаешися в самый день обновления  
храма сего.

---

Служба и акафист написаны в России. Печатаются впервые.

Да ведет вы к победе Георгий Великомученик/ — рекл  
есть отец твой святой,/ ты же, наперсниче бывше ца-  
ря,/ ведяше, кто бысть предадя его./ Победоносцу Ново-  
му последовала еси,/ в тэле его стрелою последнею  
бывше.

*Глава, глас 4:*

Аще и едина есть Святая Земля,/ но ты, о стране  
Российская,/ за любви ко Христу Богу/ носиши имя Руси  
Святой./ Аще Един есть Искупитель Христос Бог,/ ова-  
че сквозе все житие тшачийся/ воле Божией следовати  
царь/ даже до Гефсимани и даже до Голгофы./ Искупи-  
тель Руси Святой есть ныне и присно./ Аще Едино ток-  
мо Семейство Святое есть,/ но зряще седмерицу семью  
твою, о царевно,/ аллауна вопнем вси:/ аще и во Свя-  
тей Земли храм Андский поставлен бысть,/ обаче любо-  
вию русскою:/ сице ты, Ольга Новая,/ Христу хотящи  
следовати глаголеши:/ Аз русская есмь, и хоцу пребыти  
русскою.

*И ныне, Богородичен.*

*Вход. Прокимен дне. Чтения три мученическая.*

*На литии стихиры Георгию, в мнее,  
поември двадцать шестой день, на стиховне.*

*Стихиры на стиховне  
царевне Ольге, глас 2:*

Пойте Новой сей Ольге, пойте, пойте царевне нашей,  
пойте: како, сосуд немощнейший сущи, вся стрелы вселука-  
ваго отразила есть: якоже и пулям мещемым отражатися  
от нея, онаго сисары паки скраний уязвляя.

*Стих: Дивен Бог со святых Своих./ Бог Израилев.*

Аще кто хоцет внити в море любви Божия, стани убо с  
нами в реце именем Ольга, да житием ея омываемы, про-  
светимся умы и сердцами, да обрящем, память ея совер-  
шающе, кораблец в Жизнь Вечную.

*Стих: Святым, иже суть на земли Его,/ удиви Господь вся  
хотения Своя в них.*

Вскую ты речешися Велицею, о псковская реко? Аще ли не  
ради Ольги Равноапостольныя, иже готова была есть глү-  
бины твоя измерити, да не поругано будет девство ея. Днесь  
светло ликуем в памяти Ольги Новыя, юже речем великомуче-  
ницу, за Лотовы страдания посреди Бодома новаго.

*Глава, глас 6:*

Кийждо от нас зиждит в житии своем: се ныне воды  
благодатныя памяти Ольги-царевны опрошася храмине  
моей: се возвеша ветры Духа Свята за призыванне свя-  
таго имени ея: О страстотерпице царственная! Умоли Хри-  
ста Бога нашего устояти мне во свете твоём, да плачуся  
горько жития моего.

*И ныне, Богородичен.*

*Тропарь царевны Ольги, глас 3:*

Пошли, царевно, нам терпение/ нести гонение  
языков./ Дажь крепость нам, о дево мудрая,/ сретати  
Крест с твоею кротостию./ Благослови, Ольго, миром  
нас/ на празе смерти нашея./ Вдохни в уста наша мо-  
литву/ о ненавидящих нас,/ да внидем в Царское Бело  
Небесное.

НА УТРЕНИ

*По 1-й кафисме седален:*

Земное воинство и честь отринул еси, яко скоро гибнущую, на Небесех со Ангельскими вои быти возжелав и славы, присно вечно пребывающия. Темже, многи мѹки претерпев, смерть приял еси, сего ради, днесь всесвятую твою память празднующе, Христу приносим хвалу, тревлаженне Георгие.

**Слава:**

Страстотерпца днесь Георгия благочестно сотворяем празднество — освящение храма, яко непрестанно молится Господу всем дати мир и спасение душам нашим.

**И ныне:**

Теплое заступление сущим в бедах, нашу Помощницу и к Богу прошение, Еяже ради тли избавихомся, Богородицу, вернии, ублажаем.

*По 2-й кафисме седален:*

Колко мнзех поныне оненствовует Род твой, о царевно: но ты отроку некоему, хрому и не имущему на лечение, вся, иже имееши, отдаеши, абие, егда можеши: добрейши ти есть на нозех его внити в живот вечный.

**Слава:**

Бедне гневаются вам царствующим вѣсные людне: бедником нам, печатствованным по деснице, подаждь от нищеты дѹха твоего, о царевно, иже рабом твоим добре во врачевнице служила еси.

**И ныне:**

Матерь Тя Божию молим вси и Деву востинну, в щедроты Твоя вопием, любовию прибегающн в Твою благодать, Тя бо имамы, грешнии, Заступницу, Тебе стяжахом в напастех спасение, Едину Пречистую.

*Седален по полиелеи:*

Кто снѹ, иже последствует царственному страдальцу, лакоть десницы его подтверждающая? Кто снѹ, ейже мученик, в чело проведенный, поверяет думы и чаяния свои? Кто, обращаеся по нам, речет кротце, отцу восхождение продолжающу, яко сей просит не мстити за него, во еже оставить Богу долги наша? Кто снѹ, иже глаголет любви побеждающую? Старшая дщн царева, Новая Ольга Благовестница, Новый Завет обновляющая нам.

*Стихира по 50-м псалме:*

Почто попускает Бог поругаему быти великомученику курением зелья? Вопросы Симеона, иже во Едессе, в женскую баню входяща: вопросы Василия Блаженного, камени на храм Божий метавша: вопросы петербургскую Ксеню, в мужеску одежду оболкшуюся. Где еси, совопросник века сего: зри уво просящю прощения мудрую деву, царевну Ольгу, забывшую зелье табачное купити увечному воину.

КАНОН ЦАРЕВНЕ ОЛЬГЕ.

*Глас 4:*

*Песнь 1.*

*Ирмос: Отверзү уста моя, и наполнятся Духа, и слово отрыгну Царице Матери, и явлюся свѣтло торжествую, и воспою радуясь Тя чудеса.*

*Притв:* Святая мученице царевно Ольго, моли Бога о нас.

Аще не ведеши плавати, Ольго царевно, обаче купно со наследствующим землю нашу сходиши в воды царскосельския, ванно пакибытия наследию твоему грядущим страданием твоим изобразуя.

Готово сердце твое снити даже до дна морскаго, за еже не разорити целомудрия, Ольге Равноапостальной последуя.

Рцы нам: аз есмь, не бойтеса, о царевно святая, зане зельне дышает ад и смерть вечная, страдную тьмою растлевая умы и сердца, да зряци сущею тя, ноци жизни сея не убоимся.

Якоже Петр, слышав: Господь есть, низринулся, и, аще и Камень бысть, течаше верху воды, сице ты, о Ольго, слыша молитву сродник твоих, абие течеши в помощь нам, аще и царевна еси, аще и непроходима есть пропасть между тобою и мной.

Спящим умом и сердцам нашим, яко Господь на корме спал Сый, веру ученик испытуя, ты, о царевно Ольго, не отверзаеши славу твою, дондеже не возопят вси людие твои: Святни царственнии мученицы, молитвѣ Бога о нас.

*Песнь 3.*

*Ирмос: Не мудростию, и силою, и богатством хвалюмся, но Твоею Отчею Ипостасною мудростию, Христе: несть бо свят паче Тебе Человеколюбче.*

Ей, лучше Государь для тя, о Ольго, паче всех чад, обаче емлещи чадце раб твоих на руку твою, яко же зрим мы светом напечатленно, моляци отца твоего помиловати погибающих чад русских.

Послушание отцу предпочла еси сластем привременным, в послушании земному отцу любви Небеснаго Отца сподобляяся.

Уста твоя, о царевно, отверсты в молитве за ны, обаче напившихся сладкаго вина нарицают кланяющихся царственным мучеником: но еще мало, и услышим молитву твою, прославленной ти: вся будет ми по глаголу твоему.

Послушание твое воли отчей вся терпит, всему радуется, вся приемлет, не ищет своего си: темже слышит Отец, иже на Небесех, молитвы твои.

*Песнь 4.*

*Ирмос: Седяй в славе на Престоле Божества, во облаце легце, прииде Иисус Пребожественный нетленною дланию, и спасе зовущия: слава Христе сладе Твоей.*

Услышах слух твой, о царевно, и убояхся: како глаголеши матери твоея, яко от слов лепотных множицею бывають добрые дела: аз же в пустословии иждих время мое и в ленности всезожега есмь живот мой.

Разумех дела твоя, о великомученице, и ужасохся: како простираеши царственныя рuce твоя, уды отсеченныя действием хирургическим износя, кровь и гной со тцаннем отирая увечных раб твоих, от них никтоже слез твоих в темнице отерл есть отнюд. Совери во едино многомятежный помысел мой, о царевно, да целомудрствую.

Воспомоществующие глаголы безпомощными нарекла еси: всем уво вся снн сугь, имже поможе никтоже: воспомоществующий глагол Бога-Слова ты еси, о Ольго, предавая нам слово отца твоего, безсловесных нас ловы глаголющих содевая, тем же имя твое воистинну сущесть есть.

О разрушении речи русских горце плакала еси: ныне зрим чужестранныя глаголы предпочитаемы в земли твоей. Восплачи ныне о нас самех: не имамы уже речи родныя, во еже греси исповедати.

*Песнь 5.*

*Ирмос: Ты, Господи, мой Свет в мир пришел еси, Свет Святей, обращающей из мрачна неведения верою воспеваящия Тя.*

От облежачей ноши язык утренюет дух наш к тебе, царевно, зане свет повеленное нам чрез тебе Богом от отца твоего.

Вмале поволела еси страданием смертным, царевно, присно рождаеши нам дух спасения Божиего, еже есть в призывании свяятаго имени твоего.

Роса бо, яже от Бога, святыя памяти твоя, изцеление нам есть, мертвых нас во гробех мертвеннаго живота нашего, воскрешает покаянием Божу.

Мертвни же живота не имут, ниже врачеве воскресят: стяжи нас, сестра милосердная Ольго, мертвым же быти греху, живыми же Богови, воскресающими тобою к покаянию.

*Песнь 6.*

*Ирмос: Пожру Ти со гласом хваления Господи, Церковь вопиет Ти, от бесовския крове очищенная, ради милости от ребр Твоих истекшею кровию.*

Дщери Лотовы мняху потоп содомский всемирным, ваше же убиение весь мир непщевал есть яко не бысть, обаче всемирный есть крест сей, иже от двух дорог вознесенноименных.

Небесныя силы безплотныя образующе тайно, херувимскую песнь возносили суть во чреве китове, блудным песнем в подклете изрыгаемым, Ольго со сестры, темже ныне с перворожденными на Небеси предстательствуете за ны.

Славя Бога за все златоусто пребыли суть святни мученицы царственнии, темже последней оведнице скончавшейся: Благодарю: иерею Иоанну ты рекла еси, о царевно.

Умывающе внешняя сткляниц и чаш, смирением крестным паче омыла еси внутренняя души своя, царевно Ольго. Темже глаголеши фарисеем днешним, поглащающим велбауда несметных ваших чудес: покайтесь, приближи ся во Царствие вам.

АКАФИСТ  
СВЯТОЙ ВЕЛИКОМУЧЕНИЦЕ  
БЛАГОВЕРНОЙ ЦАРЕВНЕ ОЛЬГЕ

*Кондак 1.*

Избранная отцем благовестити народу любви всепобеждающую, научи нас хлеб наш насущный на рожцы свиний не меняти, похоть очес любовию не нарицати, воли Божией о нас паче гордости нашей внимати, да тя узрим, да услышим тя не мстити призывающую, да воспоем ти: Радуйся, мудрая дево царевно Ольго, невесто святая Русь Святой.

*Икос 1.*

Ангел предстатель еси новым людям твоим, о царевно, на бреже новыя тьмы языческа паки возсиявая нам благовестие неотмстительное, око души своя за око ослепшее русское Богови принося, темже новыя люди поют ти:

Радуйся, еюже прощение сияет; радуйся, еюже ненавистная рознь исчезнет.

Радуйся, в злобу впадших воззвание; радуйся, слез неотмщенных избавление.

Радуйся, высоту безмолвнаго сострадания; радуйся, глупно неотступнаго терпения.

Радуйся, во страдании царевно прибежище; радуйся, яко состраждеш состраждущему всем.

Радуйся, звездо на крае тьмы кромешныя; радуйся, сердце чистое, Дух Правды обновляй во утровах наших.

Радуйся, еюже обновляется страна Ольги равноапостольная; радуйся, похвало о Боже отцу.

Радуйся, мудрая дево царевно Ольго, невесто святая Руси Святой.

*Кондак 2.*

Видяще святая Троицу Святыю в сердца чистоте, глаголет Богу дерзостно о людех своих: сии же, по молитвам царевны святой, авие помощи, исцеления, покаяния сподобляясь, Спасу поют: Аллилуиа.

*Икос 2.*

Разум недоразумеваемый разумети ищущи глаголют неци совопроснически: како сии мученицы нарицаются, аще ни каменнем побиты быша, претрени быша, избиты быша? Сих ради, аще токмо правды алчут и жаждут, остави ты, о царевно, в молитве, тобою списанной и тобою петой, глас твой, глас хлада тонка, да вси помим сице:

Радуйся, просящая Господа не о своде, но о терпении; радуйся, посылающая терпение молящимся ти.

Радуйся, в годину буних мрачных дний дивно процветшая; радуйся, нас назидая мрака внутрьуду бояться паче окрестнаго.

Радуйся, народное гонение матерски овземлющая; радуйся, за народ, бесогонимый, предстоящая.

Радуйся, крине, о крепости Бога молящая; радуйся, тебе молящим крепосте неприступная.

Радуйся, покоя души смиренно в смерти просящая; радуйся, страх наш смертный на страх Божий пременяющая.

Радуйся, на празе гробнем кротко молящая за убивающих тя; радуйся, гробы поваленных душ наших умилением посещающая.

Радуйся, мудрая дево царевно Ольго, невесто святая Руси Святой.

*Кондак 3.*

Сила Вышняго осени тогда сосуд немощнейший, обаче избраннейший, глаголати: аз русская есмь, и желаю пребыти русскою: сеюци отечестволюбие, нас во Отечество Горнее собирающее, внегда пети сице: Аллилуиа.

*Икос 3.*

Имущи память праматери древнейшей своей, иже отринула есть брак ромейскаго императора, дево юная, Ольго Новая, востече ко воспитателю своему. Сей же, днвися осьмнадцатилетней премудрости девицы царственныя, свидетельствует о ней:

Радуйся, отрасли ветхия юнейшая розго; радуйся, мудрости древния новое дерзновение.

Радуйся, делателей делающая Руси Святой; радуйся, насаждающая любви ко отечеству.

Радуйся, село, иже купующие, идем не от Христа, но ко Христу; радуйся, русская по имени, нас русскими именующая во Христе.

Радуйся, рай изгнвшего отечества нашего; радуйся, пристанище за отечество изгнвшим.

Радуйся, молитвы наша к Богу ходатаице; радуйся, России к Богу дерзновение.

Радуйся, Боже к России на мнлость пременение; радуйся, за Россию непрестанное моление.

Радуйся, мудрая дево царевно Ольго, невесто святая Руси Святой.

*Кондак 4.*

Бурю внутрь имея помышлений сумнительных, целомудренная царевно смятесе, видя князя царственных кровей, трем денми прежде искренняго семьи ея, сердцу матери рану жестоку наносяща, обаче зряще в родительской заповеди любви истинныя исполнение, рече: Аллилуиа.

*Икос 4.*

Слышавше пастыря и Богоотца, пророка и царя: Вся слава дщери царевы вн҃трь: глаголюща, зрим некоего простеца-воина, наущающа тя, во врачевнице сему сл҃ужащюю, прест҃упити волю отца, не ведуща, кто есть отец сей, ты же речеши ему: Не можно ми есть, зане вельми люблю отца: послушание любовию, любовь послушанием утверждая, мы же поем ти:

Радуйся, искреннейшая дщи отца твоего; радуйся, наперснице ума и сердца его.

Радуйся, утешение и покой его; радуйся, ведущая волю его.

Радуйся, возлюбльшая Бога во страхе омрачити Его; радуйся, боящаяся огорчить отца огорчением ближних его.

Радуйся, письмами отца, яко невеста, обрадованная; радуйся, его уста выти удостоенная.

Радуйся, в послушании родительском упование любви Христовой имущая; радуйся, прест҃упающая волю сердца за еже открыти сердце Христу.

Радуйся, первенце порфирородная; радуйся, наследнице отечества твоего.

Радуйся, мудрая дево царевно Ольго, невесто святая Русн Свѣтой.

*Кондак 5.*

Боготечную звезду утреннюю зрим святую равноапостольную княгиню Ольгу, Красное Солнышко, равноапостольнаго внука нам уготовляющую, Боготечную звезду зрим вечернюю тя, о царевно, юже яко светильник держаще, имамы ум во аде и не отчаеваемся, зовущие: Аллилуиа.

*Икос 5.*

Видяще отроча крестьянское на р҃ккѣ девицы царственныя, плачем купно со сл҃жителем твоим, яко во всей России не обретется муж тѣ достоин, оваче вемы, яко многа

чада пустыя паче, нежели имущия мужа, якоже и брат твой рече: «Аз есмь Ольгин сын»: темже чада русския поют тебе:

Радуйся, зрящая целомудрие матери твоея; радуйся, ведущая матернее в девстве своем.

Радуйся, сохранившая заповедь Божию непреложно; радуйся, возлюбльшая крест девства.

Радуйся, следовавшая Господу всею жизнью своею; радуйся, до конца следовавшая Христу.

Радуйся, разжегшаяся любовию по Бозе; радуйся, яко сня любви разжения поалает.

Радуйся, в девстве мученица ради Христа; радуйся, волю свою ради отчей любви отвергшая.

Радуйся, яко смирение есть покров девства твоего; радуйся, пораждая смиренныя в Жизнь Вечную.

Радуйся, мудрая дево царевно Ольго, невесто святая Русн Свѣтой.

*Кондак 6.*

Проповедницы Богоноснии бывше святини царственнии мученицы, ангельски на земли поживше, просияли с҃уть даже до конец земли, оных же Иродов новых, второе ругающеся погребших вас, оставиша яко вѣсловащих, не ведущих пети: Аллилуиа.

*Икос 6.*

Возняв в веце нашем просвещение Истины, разгнала еси лжи тьму: идоли во века сего, Бодом и маммона, не терпяще славы девства твоего, упраздняются. Сн҃х же чающих избавитися, вопняхом ти:

Радуйся, яко ныне молит отца твоего Новый Израиль, яко Иеффая; радуйся, яко приемлет отец твой оружие во еже повороту по нам.

Радуйся, яко Дух Господень на новом Иеффан сем; радуйся, яко и сей приносит Богу всесожжение.

Радуйся, слышавшая отца рекша о жертве за Россию; радуйся, яко речет царь: Се аз и дети, яже ми даде Бог, будем жертва сия.

Радуйся, радующаяся волей отчей; радуйся, аще и плакася со дщерню Иеффая.

Радуйся, утешающая безчадных; радуйся, веселящая бесплодных.

Радуйся, тайное сияние Фаворское; радуйся, откровение, облеченное в Солнце.

Радуйся, мудрая дево царевно Ольго, невесто святая Руси Святой.

*Кондак 7.*

Хотящу веку сему преставитися прелестному, не терпящу множества злодеяний, прежде неслыханных, в нем содеянных, не прежде Бог заключит сей, дондеже воскликнут о царственных мученицах в нем стоящих: Аллилуиа.

*Икос 7.*

Новую показа тя Ольгу Святую купно с Новым Крестителем русским милостивый Господь, сердца детей отцам отверзая, отцев ускорая молити за детей, два берега времени русского созерцающих ся являя, мы же поем сице:

Радуйся, новая равноапостольная Ольго Богомудрая; радуйся, прежде брата рождения непщеванная Россию наследовати.

Радуйся, поругание речи русския обличившая; радуйся, ныне словесы чисты Бога о России молящая.

Радуйся, яко и прежняя Ольга, на реце от поган уловляемая; радуйся, обрадованная Покровом Божественным.

Радуйся, аще и унижения от весных раб претерпела еси; радуйся, яко поруганному Христу соцарствуеши ныне и присно.

Радуйся, во Христе камень отечестволюбия; радуйся, еяже пуди не можаша ископати отнюд.

Радуйся, царственноручно сткляницы и чванцы омывавшая; радуйся, от сосуда елей твоего присно подающая молящим тя.

Радуйся, мудрая дево царевно Ольго, невесто святая Руси Святой.

*Кондак 8.*

Странное чудо митроносичное зрим о тебе, о царевно: како едина от клевет твоих, беспомощная дева сущи, странну, обывшую пламенем распри междуусобных, отроком в печи подобящися, невреденно преминула еси тебе ради, миро любви своея огнегасительно показующи, Богу поюще: Аллилуиа.

*Икос 8.*

Вся бе в нижних, поносима, иждивяема, всяцем злым глаголом нареченна, но и вышних никакоже отступи, о царевно, волю царственного отца благовествуя, Царем Невесным содержима бысть. Тем же слышиши от всех:

Радуйся, смирившаяся до поношения Христова; радуйся, царствующи с нищими духом.

Радуйся, плачущая славы русския; радуйся, утешающая отечестволюбцев.

Радуйся, кротчайшаго царей достойная уста; радуйся, земли российской наследнице.

Радуйся, токмо Христовой правды алкавшая; радуйся, юностиаго правдолюбия защитнице.

Радуйся, чистым сердцем мраз адский прелегаей; радуйся, в чистоте твоей Образ Божий нам являющая.

Радуйся, служанка раб твоих во врачевнице бывши милостивно; радуйся, милостивно умиляющихся житию твоему помиловавшая.

Радуйся, мудрая дево царевно Ольго, невесто святая Руси Святой.

*Кондак 9.*

Всякое естество власть имущее удивися русской царевне: порицаша неции волящим служение твое, царственно-сти умаление усмотряючи. Ангели, зряще тя, дивятся, како ты, народом дориносима быти должная, на руку твоею подымеши чадо меньших раб твоих: аще ли надеяшися горохуциному обчати возопити: Аллилуиа.

*Икос 9.*

Ветия многовещанныя осипша zelo видим об отце твоём, о царевно: како сей искупитель есть, егда Един Искупитель Сый Христос? Несте достойны беседы моя, — рече иногда Георгий Поведоносец подобным, обаче вяшция ради славы Божия и мы рцем сим: како не искупитель сей, егда все житие его врази многожды ископаша? Сей, иже кровь свою искапал за ны есть: сей, иже купует ны ценою многих бисеров, чад своих, мы же царевне речем:

Радуйся, ангельски любви по покаянии нам благовестующая; радуйся, архангельски неведомая в нашу меру изобразующая.

Радуйся, начальница невестественная нашего покаяния; радуйся, власть имущая вязати и решити на народе твоём.

Радуйся, яко силы деются о призываемом имени твоём; радуйся, госпоже страстей своих, господствуй над нами милостивно.

Радуйся, Престолу Троицы приседающая, благую часть избравшая; радуйся, тайну Ея благовестившая нам.

Радуйся, пламенеющая по России ревностию; радуйся, творяй хульники царя немые и немогущи проглаголати.

Радуйся, зовущая нас стати со страхом, добре царю работающие; радуйся, иззуть нозе наша в земли Святой Руси призывающая.

Радуйся, мудрая дево царевно Ольго, невесто святая Руси Святой.

*Кондак 10.*

Спаси хотя, аще возможно, поне останок, не сам глаголет Помазанник нам, но гласом девы, да обратит сия умы и сердца наша во благая помышления, умиления разжениыя родители, сице глаголюще: «Отец просит передать всем верным»: Имеяй уши слышати поет: Аллилуиа.

*Икос 10.*

Стена еси безпомощным девам, дево Богомудрая царственная: како не возможе мерзейший искони убийца вредити тя беззащитную сущую на кораблеце от Тобольска и в доме Ипатиевом, тшася растлуги и ничтоже успевающе: девы же, в зашитую зовуще, поют тебе:

Радуйся, яко воистинную воскрес Помощник и Покровитель твой; радуйся, яко дымю подобно исчезли врази Его и твои.

Радуйся, яко смрад сей, аще и властвует, но не вечнует; радуйся, яко тает от Лица Божия.

Радуйся, яко гивнут грешницы Именем Божиим; радуйся, яко веселятся праведницы безпомощнии в памяти твоей.

Радуйся, в веселии знаменующаяся Крестным Знамением; радуйся, радующая нас Креста неволимостию.

Радуйся, Господу во ад последовавшая; радуйся, ничесомуже адскому приразившаяся.

Радуйся, Крестом посрамляющая сопостата; радуйся, остепенная дев всех Стеной.

Радуйся, мудрая дево царевно Ольго, невесто святая Руси Святой.

*Кондак 11.*

Пение всякое побеждается, зряще сердце родителей твоих, ругаемей ти всесмехливо, не могущих защитити тя: яко же и евангелисти рекут: и ины мнози пакости Господу деяху, не могущие глаголати: кини, устом затворяющимся: Крайнее Снизхождение имя Ему. Христоподрожательно

царь переходит пределы долготерпения, не себе токмо, но во очию своею всех чад принося на алтарь России спасения. Во страхом зовем: Аллилуиа.

*Икос 11.*

Светоприменную свещу зрим тя, святая дево царевно: воспоминанием свягаго древнего, иже моли Бога пред не-возженною свещею, крепце уповая возжешися оной, аще простит грехи его Многомилостивец: сице ныне, аще и неключими есмы, уповаем крепце податися и нам невественному свету твоему, указующу путь, иже ты шествовала еси: помолися не оставити нам стези сия, молящим ти ся:

Радуйся, яко тобою просвещает царь тьму нашу; радуйся, разлучая между светом и тьмою нашею.

Радуйся, яко житие твое ясному дню подобится; радуйся, яко ходяще во дни сем, не поткнемся.

Радуйся, во тьме египетстей свет Новому Израилю; радуйся, свет, приходящий на ночь отца твоего.

Радуйся, свет, нечестивых мрак изводящая; радуйся, свет на путех наших.

Радуйся, сокровенная наша просвещаяя; радуйся, еюже жизнь моя свет узрит.

Радуйся Изводящему яко свет правду твою и судьбу твою яко полудне; радуйся, свет умиления, слезы точай к покаянию.

Радуйся, мудрая дево царевно Ольго, невесто святая Руси Святой.

*Кондак 12.*

Благодать дати восхотев в рождении твоем родителем твоим, якоже и Государь речет третияго ноемврия: Присно памятный для меня день есть сей; благодать воз благодать дати восхотел есть Господь нам в смерти твоей: якоже и древле, не можаху спекуляторы скончати повеленное,

путьям возвращающимся, дондеже ти не волися самей: древние времена обновляя нам: «Приблизися Царство Небесное», — паки и паки глаголя, понуждая пети нас: Аллилуиа.

*Икос 12.*

Поюще твое житие, славим и после жития странствие твое: яко неции летом мнозем истекшим самозванне нарицаху ся именем твоим, яко Ксения Петербургская ся рекла есть Андреем Феодоровичем, супрузе его умершей: зрим покаяние народное, не могущее смириться с клятвою страшною, кровь твою, иже на чадах наших, юродством измывающее, темже поем ти:

Радуйся, теплое покаяние матерски приемлющая; радуйся, люте разслабленный народ вином и елеем царски помазующая.

Радуйся, кров Небесный раскрывающая, да свесиши разслабленнаго ко Христу; радуйся, ангел, на всякое время и час сходящая в купель покаяния нашего.

Радуйся, рекущая нам: Да не горше ти будут последняя первых; радуйся, молящая не разслабнуги нам во благодарении нашем.

Радуйся, паки милосердствую сестрински о народе твоём; радуйся, не гнушайся смрадными язвы нашими.

Радуйся, якоже и солнце, скверны наша преходя, не оскверняющаяся; радуйся, спасающая, аще возможно, остаток.

Радуйся, храм души моя осверненный паки освящающая; радуйся, благоухание сквернопрогонительное.

Радуйся, мудрая дево царевно Ольго, невесто святая Руси Святой.

*Кондак 13.*

О святая великомученице царевно Ольго! Тобою отец твой земный паки нам волю Отца Небеснаго открывает:

долги ваша, глаголет, оставятся вам, аще не мстите. Паки и паки глаголет нам Троицу Святую, Иже есть Любы, мироповетительную, радость крестную возсиявая нам. Мы же о царевне благодарим: Аллилуна.

(Сей кондак глаголи трижды.

И паки читается 1-й икос и 1-й кондак.)

### Песнь 7.

*Ирмос: Спасый во огни Авраамския Твоя отроки, и халден убивь, яже правда праведно уловляше, препетый Господи Боже отец наших благословен еси.*

К мусикийским органом, не туне царское имя носящим, руже твои простирала еси, Ольго, каменные сердца весных стражниц твоих тихостию милуя.

Учители твои слух твой перевозношаху: се потревен сей глухим и немым, слепотствующим разбойником, стражником твоим, во еже услышати глүвоко погребенныя во аде стенияция души их.

Аще и не сотворила есть народ твой себе мусикийским органом, благозвучием послушания отвецаая воле царской, обаче ты послушанием царским до ада пустынейшаго нисходиши, царевно, поя не ведущим слышати.

Сотвори убо ны, о царевно, царские органы твои, да равенстволюбие изблевавши, царственное возлюбим воинствену, иже есть послушание.

### Песнь 8.

*Ирмос: Отроки благочестивыя в пещи, рождество Богородично спасло есть. Тогда убо образуемое, ныне же действующее, вселенную всю воздвизает пети Тебе: Господа пойте дела, и перевозносите Его во вся веки.*

Раненым военачальником, беседующим тебе во врачевнице, иногда молчанием множицею прерывашеся беседа, не ведущей ти, царевно, искусства словоплетения. Небеса ныне немолчно поют о тебе: отроцы пойте, священницы благословите, людие перевозносите во святей Христа во веки.

Младенческою учорил есть беседу твою хранителей ваших начальник: не могущей ти помизати очима, не ведущей осклавления притворнаго: простыня твоя ангелом угоднее, неже человеком, темже Небесные вопиют о тебе: отроцы пойте, священницы благословите, людие перевозносите во святей Христа во веки.

Недоумевающу протонерею Афанасию, есть ли можно напоминати тебе о гресех аще ли не вестных тебе, убоявшюся, умолчавшу и не глаголющу, Небесная Иерархия вопиет об Ольге: отроцы пойте, священницы благословите, людие перевозносите во святей Христа во веки.

Бусловам неверным, ныне хулящим отца твоего и святую семью твою, рцы, о царевно: немы да будут уста льстивыя, и во век не возмогут проглаголати, Духа Свята хуляцини, нас же сподоби ангельскую воспети песнь: отроцы пойте, священницы благословите, людие перевозносите во святей Христа во веки.

### Песнь 9.

*Ирмос: Камень нерукосечный от несекомыя горы Тебе Дево, краеугольный отсечся, Христос, совокупивый разстоящаяся естества. Тем, веселящися, Тя Богородице величаем.*

Господь пасе тя, и ничтоже тя лишит: двадесять и два года веде тя, напитавая ядню тайною, источников чистых тя сподобляя: се ныне зрима еси у тесных врат, за нимже Свет Великий.

На месте злачне, тамо всели тя, на воде покойне воспи-  
та тя Господь: егда мир весь, сияя огнями, гремя музыкою,  
объятый радостно, погружаеся на дно адово, семья твоя,  
совравшеся вкупе, Ноев ковчег пакн являла есть.

Аще и идеши посреди сени смертных, имаши жеза, има-  
ши палицу, всеоружие Божие, яже сложивше во образ Кре-  
ста, посекаеши море злобы демонския.

Уготовал Сый трапезу тебе истее причащатися сопро-  
тив стужающим ти, прежде даже не преложитися тебе, в  
самем узилище твоем: манною будущих, умилением Не-  
весных, сердце твое нескораемый Едем содела Христос Бог.

*Светилен:*

Плакати возбраняеши нам, Ольго, горлице чистая Рода  
царскаго, радоватися и веселитися в памяти твоей со-  
зываючи, обаче свет твой очи наша слезит: свет, иже  
живы содевает нас Богу твоему и Спасу нашему.

**Слава, и ныне:**

О Мати Святая Отроковице: безпомощна была еси во Бла-  
говещении: безпомощна была еси в Вертее: безпомощна была  
еси на пути в Египет: безпомощной царевне Ольге в Екате-  
ринбурге крепкая Помощнице была еси: ея молитвами безпо-  
мощных отроковиц и дев Удела Твоего буди Покров.

*На хвалитех, стихиры, глас 2:*

Крещеяся тебе в годину венчания родителей твоих,  
Крест Христов приемлеши купно с венцем мученическим,  
полагая душу твою за други твоя, родители твоя.

Иже на всякое лето знаменована была еси двема много-  
ценными бисерами, крепость приемлешн смерть отражати,  
мощи плоть твою являя беснующимся, нам же даруя в жи-  
воте твоем прежде смерти житие твое.

Чтица еси для семьи твоей: чтица еси нам заветания  
отца твоего: чти мою жизнь, о царевно: аще и страшна  
есть сия, кипяща червми греха, обаче есть на ней свет па-  
мяти твоя, иже введи мене в Память Вечную.

Виждь Победоносца Новаго, иже имать крест Георгия  
на сердце своем, иже емлет копие ангела дубравы Мамвре,  
иже высоко возносит над главою светильник, елеем испол-  
ненный: ты, о Ольго, отцем твоим сияеши нам, не мстите,  
речеши, во оставление грехов.

*Слава, глас 4. На стиховне в минее.  
И ныне, Богородичен.*

## НА ЛИТУРГИИ

### МОЛИТВА

Святой Великомученице  
Благодарной Царевне Ольге

О святая стастотерпице царственная, великомученице  
Ольго царевно! Некий слуга твой свидетельствова, яко ты  
истинная невеста была еси: зане тебе, возрастной сущи, не  
кестно было есть, о еже како взглядати девицам на муже-  
ский род, за еже нравитися им: како рещи, и како помиза-  
ти, и инья искусства привременныя, и бысть ты, отроко-  
вица сущи яко же младенец в хитростях сих. Се уже не мо-  
лим о еже быти тако, но токмо о памятовании бытия тако-  
ваго, зане и самая память сия оградительна есть. Оле не-  
детскости нашей, Богу неугодней! Всяпревратно ведущим  
сущим нам помолися поне по времени зрети образ твой, за  
еже очищенными очесы и ближняго узрим, аще и в пламени  
адском. Персть во гробе не поет: живи нас молитвами  
твоими, да не отчаемся, да благодарни пребудем, тобою  
славяще Бога за все. Аминь.